

南開大學中國社會史研究中心資料叢刊

中國珍稀
家譜叢刊
現代

三
叢
刊

23

鳳凰出版社

南開大學中國社會史研究中心資料叢刊

中國珍稀
家譜叢刊

明代宗譜

23



鳳凰出版社

中國出版

宋書
中國

明史

明史

53

南開大學中國社會史研究中心資料室

53.534

新安黃氏會通宗譜
(一)

黃雲蘇 編修

弘治十四年

十六卷

濂安黃升會通宗譜(一)

十六卷

五十四年

黃雲龍 編

新

黃

處

氏

宗

會

龔

龔

新安黃氏會通譜序

自宗法不明于後世凡通都大邑之間號巨室能僅譜其家者蓋不多得矣若進而能譜其族則加鮮焉况又能推而譜其所同原異流者哉是非其心之仁志之遠力之健固不能有此而或一二見于吾鄉則亦以其居

之僻俗之厚用能保其典籍丘
壠于兵革之餘乃克爾邪若五
城黃氏其二焉黃之先本嬴姓
出自陸終受封于黃世奉黃帝
之祀逮周而見錄于春秋曰黃
人與有尊攘之功後為楚所并
子孫因以國氏而春申君實顯
于楚曰東明者乃春申之族從

番君起滅秦居江夏子孫始盛
由是江夏之黃遂望于天下其
顯于漢者若魏郡太守香香之
子太尉邠鄉侯瓊瓊之孫司隸
校尉陽泉侯琬世以忠孝聞琬
之後曰積仕晉為新安太守卒
葬郡姚家墩子尋因家焉殆今
新安之黃所共祖也尋十七世

曰儀仕唐為祁門尉因居祁門
左田生二子遜謙謙別居休寧
西湧生一子思聰遜生二子思
誠思道思道仕宋為盱眙尉又
家焉三世曰元之為鈞州判官
嘗修盱眙黃氏譜而序之思誠
再世曰瑰生三子叔宏叔仲叔
季叔仲徙婺源橫槎叔季徙浮

梁勒功思聰五世曰文漢自西
湧別居五城鎮生一子晟晟生
四子舉溫抃季昌舉生四子宗
義宗為宗明宗和則今五城諸
黃所共祖也季昌三世曰侃嘗
修五城黃氏譜而序之宗義自
五城徙溪口三世曰何以乾道
進士歷太府寺丞爵休寧縣男

贈通議大夫為時聞人蓋商山
安撫吳文肅公其舅汝口端明
少師程公其甥而會里尚書程
文簡公其師也宗禹宗明四世
諸孫最盛其顯者曰拱曰煥曰
映曰應龍曰發曰卓曰珏煥生
司戶雷復中陳文龍榜進士發
生雷益雷豐天錫及提幹雷奮

中方逢辰榜進士卓生制幹雷
利中文天祥榜進士槐塘丞相
程文清公亟稱之珏生若臯若
臯生行覓入元授紫陽書院齋
長為時宿儒始續舊譜而著其
異同之故雷益生常甫號草窗
陳定宇先生實師之而定宇亦
嘗書其譜之續者拱三世曰元

錢娶吳氏有婦節子清夫以孝
聞元天曆中旌其門曰節孝見
青城學士虞文靖公之銘雷豐
三世曰仲瑾娶吳氏復以節聞
國初旌其門曰貞節見浯村春坊
貞一汪公之傳應龍六世曰昂
當洪武乙亥再續其譜而鄉先
生曹東白序之至天順壬午映

九世曰雲蘇續作一覽圖逮弘
治辛亥同其族弟祿大會諸黃
為通譜自江夏而新安而盱眙
自新安而歙之黃墩石嶺祁之
左田休寧之五城婺源之橫澁
黟之古城橫岡淳梁之勒功石
斛又自橫澁而德興茗園樂平
鳴琴里藍溪鄱陽鑪山自五城

溪口星洲嶺南龍灣北郭商
山溪口潛川陳村閔口績溪羣
嶺諸派自天順至今幾三十年
所謂心之仁志之遠力之健若
雲蘇與祿者殆非其人歟然求
之四方他姓豈無其心及其志
與力而處孔道之下經蹂躪之
交典籍蕩于烟燼丘壠陷于蕪